

vous oppofez vous à l'instruction de ces captifs? Et fi c'est vn menfonge ce que nous prefchons du Paradis & de l'Enfer, pourquoy nous refusez vous ce contentement de raconter ces fables, & de tromper vos ennemis? Que fi vous penfez [34] qu'en effet la parole de Dieu que nous portons foit veritable, embrassez donc la Foy vous-mefmes, & redoutez pour vous ces feux d'Enfer que vous fouhaitez à ces pauvres miserables. Là-deffus il se met à prefcher à toute l'affemblée, qui luy preste audiëce; il parle du Paradis, de l'Enfer, de la Refurrection, & parcourt les principaux myfteres de nostre Foy. Enfin voyât tout fon monde gagné; mes freres, leur dit-il, ie voy bien que la Foy est dans le fond de vostre cœur, que vous differez feulemēt à en faire la profession: mais fçachez que vous irritez Dieu, vous oppofant au falut de ces ames, & que l'Enfer fera vostre partage, si vous voulez que vos haines foient immortelles: bruslez leurs corps à la bonne heure, qui est vostre captif; mais leurs ames font inuifibles, & non pas de vostre domaine; vous auriez tort de leur fouhaiter aucun mal. Apres cela il s'adresse aux captifs, leur demande s'ils conçoient ces veritez, & s'ils desirent le Baptesme. Leur cœur y est tout disposé, tout le monde est dans le silence, & ces Baptesmes se font d'vn contentement si public, qu'on eust iugé que l'affemblée estoit toute Chrestienne.

[35] En vn autre occasion les infideles ayans preueni les captifs, & leur ayans donné des impresions de nous & de la Foy, qui ne leur en laissoient que de l'horreur; vn Capitaine Chrestien en eut aduis, & nous pria de ne pas paroistre en l'affemblée qu'il ne nous eust appellé. Il prend avec foy quatre